

Cu oficialisacion di e color di nos bandera

Lo hiba un bon maneho pa loke ta color original di e bandera

DEN cuadro di e ley cu a keda aproba pa oficialisa e color di nos bandera, Minister di Cultura Otmar Oduber a splica riba e maneho cu lo bay hancra na e ley aki. Minister a splica cu Departamento di Cultura Aruba (DCA) lo keda e unico departamento autorisa pa duna permiso na tur hende cu kier importa bandera y a splica riba e hecho cu pa por haci esaki mester tin un permiso.

BID ta e instancia di Gobierno cu ta keda encarga pa distribui banderanan di Aruba oficial

di Gobierno y a crea tambe un articulo nobo cu ta encera boetnan cu lo mester bin pa den caso cu hendenan purba tog di importa of bende un bandera cu no ta conforme e reglanan, e mandatario a bisa.

Den caso cu e banderanan aki drenta Aruba via barco of cu nan no wordo haya na entrada na Aruba of si den caso haya hendenan y comerciantenan ta bende loke no ta conforme e vergunning cu nan a haya, lo bin sancion pa e hendenan aki. E mandatario a indica cu lo tin

un plaso te cu prome di januari 2015 prome cu e ley aki drenta na vigor. Pesey a trata e ley aki diamars den Parlamento pa duna espacio na tur comerciante cu kier busca banderanan conforme ley y conforme e vergunning mirando cu 18 di maart y Dia di Betico ta cerca. Entrante januari en adelante e control lo inicia riba esaki.

Minister Oduber a bisa cu naturalmente ta boga pa haya e oportunidad pa por cambia e bandera y benta, pero importacion en todo caso mester ta



conforme e vergunning for di DCA pa importacion di e color manera e ta prescribi den ley. Manera e mandatario a splica, esaki a wordo haci pa logra

uniforma tur loke ta material y banderanan di Aruba bou un solo pantone number 279 cu ta e color autentico di nos bandera.